

台州文獻叢書

喻長霖等 編纂

胡正武 徐三見 李建軍 樓波 點校

台州府志

點校本

八

卷九一至一〇四

上海古籍出版社

圖書在版編目(CIP)數據

台州府志(點校本)/喻長霖等編纂. —上海:上海古籍出版社, 2015. 10

(台州文獻叢書)

ISBN 978-7-5325-7677-7

I. ①台… II. ①喻… III. ①台州市—地方志 IV. ①K295.53

中國版本圖書館 CIP 數據核字(2015)第 130493 號

ISBN 978-7-5325-7677-7



台州文獻叢書

台州府志(點校本)

(全十冊)

喻長霖等 編纂

胡正武 徐三見 李建軍 樓波 點校

上海世紀出版股份有限公司
上海古籍出版社 出版

(上海瑞金二路 272 號 郵政編碼 200020)

(1) 網址: www.guji.com.cn

(2) E-mail: guji1@guji.com.cn

(3) 易文網網址: www.ewen.co

上海世紀出版股份有限公司發行中心發行經銷

江陰金馬印刷有限公司印刷

開本 710 × 1000 1/16 印張 370.25 插頁 57 字數 4,800,000

2015 年 10 月第 1 版 2015 年 10 月第 1 次印刷

ISBN 978-7-5325-7677-7

K · 2054 定價: 1980.00 元

如有質量問題,讀者可向工廠調換

台州府志總目

第一冊

台州文獻叢書序·····

點校說明·····

續修台州府志序·····

卷首

台州府圖

臨海 黃巖 天台 仙居 寧海 太平

縣圖

姓氏

例言

續例言·····

卷一

弁言一卷·····

卷二

晷度表一卷·····

卷三

沿革表一卷·····

卷四

戶口表一卷·····

卷五

土田表一卷·····

卷六之八

賦稅表三卷·····

卷九之卷十

職官表二卷·····

第二册

卷十一之二十

職官表十卷……………四七九

第三册

卷二十一之三十

選舉表十卷……………一〇九七

第四册

卷三十一之三十三

恩澤表三卷……………一六九五

卷三十四之三十六

人物表三卷……………一七七九

卷三十七之三十八

列女表二卷……………一八四二

卷三十九

疆域略一卷……………一九三三

卷四十之四十三

山水略四卷……………一九七一

第五册

卷四十四之四十七

山水略四卷……………二一六三

卷四十八之四十九

水利略二卷……………二三三一

卷五十之五十三

建置略四卷……………二三八三

卷五十四之五十五

祠祀略二卷……………二五二九

卷五十六之五十七 學校略二卷……………二五八七
卷五十八之五十九 武備略二卷……………二六五五

第六冊

卷六十之六十一 風俗略二卷……………二七一九
卷六十二之六十三 物產略二卷……………二七三一
卷六十四之七十五 藝文略十二卷……………二八四二

第七冊

卷七十六之八十四 藝文略九卷……………三三六一
卷八十五之九十 金石考六卷……………三七七五

第八冊

卷九十一之九十三 金石考三卷……………三九四一
卷九十四之九十五 古蹟略二卷……………四〇七二
卷九十六之九十八 名宦錄三卷……………四二〇七
卷九十九 寓賢錄一卷……………四三六一
卷百之百零四 人物傳五卷……………四四二八

第九冊

卷百零五之百二十四 人物傳二十卷……………四五九九

第十冊

卷百二十五 人物傳一卷……………五二五七

卷百二十六之百三十一 列女傳六卷……………五二九六

卷百三十二之百三十六 大事記五卷……………五五四五

卷百三十七之百三十八 雜事記二卷……………五七六四

卷百三十九之百四十 方外記二卷……………五八三四

續修台州府志跋……………五八九〇

《民國台州府志》整理後記……………五八九二

台州府志卷九十一

金石考七

明二

重修紫陽仙壇化身處碑

右碑在天台縣百步嶺，高八尺五寸，廣三尺四寸。額篆書「重修紫陽題詩碑記」八字，字徑四寸五分。七絕一首，連題四行，詩前二行十二字，末行四字。款及年月四行。台州府推官長洲張滂立，隆慶元年五月。案《康熙志》，張滂，直隸舉人，嘉靖四十四年至。今碑自署長洲，則舊志誤也。

張滂明巖詩摩崖

右摩崖高二尺二寸，廣稱之，字徑二寸羸縮，在天台明巖蟾巖上。凡七絕一首，分四行，行一句，漫漶不可辨。可辨者第一行首五字曰「豐干和尚歸」，二行六字曰「太守重游石竇」，三行下三字半曰「仙真隱跡」，末行首二「滿」字，末一「寒」字，款「張滂」二字尚存。

王鈴松巖山題名

右題名高廣未測，在黃巖縣伏虎巖石壁上。正書四行，行八字，曰「大明隆慶二年□月九疑王鈴、南石彭□、□素葛冲、石芝董□、□□陳敬同登立石。」《黃巖新志》著錄。

耕雨葉公墓田碑記

右碑高七尺一寸六分，廣三尺二寸七分，篆額八字與題同。碑二十一行，行五十四字。在太平縣曹溪葉耕雨墓庵中。題「賜進士第承務郎南京刑部河南清吏司署郎中主事從曾孫良佩撰文，賜進士出身承直郎禮部主客清吏司主事同郡陳錫篆額，鄉進士文林郎知江西南康府都昌致政同里林兆貴書丹。」末署「隆慶己巳」。案：耕雨名宗祭，有墓謁，已見前。此記增設祭田始末，碑末一截即記祭田畝數。《太平續志》失訪。

南峰書院碑記

右碑高廣未測，額篆書「重建南峰書院碑記」八字平列。碑十八行，行四十九字。在黃巖縣寧溪。題「中憲大夫南雄府知府致仕進階一級族孫宏篆額，族孫洽書丹」。末署「隆慶四年庚午夏六月，賜進士第奉政大夫山東提刑按察司僉事前南京工部營繕司郎中族孫鈴頓首撰文」。《黃巖新志》著錄。記稱「有宋遺臣知高郵軍南峰先生，諱所，登咸淳進士。元將代宋，棄官隱居故里，築書院於南山之麓，講學授徒終其身。先生沒世久，中更式微，書院浸廢。至今子姓阜繁，詩禮輩興，相與貿地於新桂街之北建堂祠先生，仍舊名曰『南峰書院』。始於嘉靖辛亥，至丙辰乃竣」云云。案：所字喻叔，南峰其號也，黃巖人，事蹟具《人物傳》，宏附見其父《燠傳》，洽附見其

父《鈴傳》。

諭祭趙尚書文

右碑隆慶四年庚午遣官諭祭南京兵部尚書參贊機務趙大佑之文也。篆額「聖恩諭祭」四字，分二行。碑十六行，行連擡頭三十九字。祭文九行，又下葬祭文二行，祭品三行。在太平縣馬嘴山趙尚書墳前。《太平續志》著錄。

東湖樵夫祠碑記

右碑高七尺六寸，廣三尺七寸。額篆書「東湖樵夫祠碑記」七字，橫列，字徑六寸。碑正書二十三行，行四十八字，字徑一寸。在臨海縣東湖樵夫祠。《記》稱「是歲二月，侍御虬峰謝公行部至台，臨海令周侯以樵夫祠請，謝公白于郡，守番禺張君爰即東湖中小亭改建爲祠。謝公諱廷傑，新建人。周侯諱思稷，麻城人」云云。末署「隆慶六年歲在壬申夏五月，賜進士出身嘉議大夫大理寺卿前都察院右僉都御史奉勅提督軍務巡撫福建地方郡人何寬撰文」，無篆額書丹人姓名。案：《康熙志》載是文，字句間有異。何寬，臨海人，事蹟具《人物傳》。周思稷、張廷臣俱見《名宦錄》。

桐柏宮移祀夷齊像記

右碑高一尺五寸，廣三尺六寸。行書二十九行，行十四字，字徑八分。在天台縣桐柏山清聖祠。末署「隆慶六年五月前進士番禺張廷臣撰」。蓋廷臣守台命天台令方惟一修祠移像，因爲之記。《記》稱「考《赤城舊志》載，夷齊沒，爲九天僕射，治天台山。宋紹興間建祠於此」。今案：

《赤城志》並無是說，《天台方外志》云，道書稱二子死爲九天僕射，治桐柏山。由今桐柏觀有二石像，或云王靈寶請之徽宗宮中，然無所據。《康熙志》云「道書稱二子爲九天僕射，宋黃煉師因建九天僕射祠」，是此說出於道書，非《赤城志》也。惟是碑至今猶存，而《方外志》成於萬曆辛丑，去立碑時僅二十九年，而云碑與文俱亡，殊不可解。

郡侯番禺張公重建文昌祠碑記

右碑高七尺七寸五分，廣三尺四寸。額篆書「三台文昌祠記」六字，分三行，直徑五寸，橫六寸五分。正書微行十五行，行四十一字，字徑一寸二分。《記》稱「祠舊在巾子山之南，歲久廢毀。郡人請於郡侯張公，捐俸改祠於其巔，因以頌公政績。隆慶六年九月立石。」結銜稱「賜進士出身特旨存問進階柱國刑部尚書吏部左侍郎都察院副御史八十六叟容庵應大猷撰」，無篆額書丹人名。末有生員姓名四行，行六人，字徑七分。今臥祠後草莽中。案：是文《容庵集》中不載，或繇代作。

贈工部尚書南渠王公神道碑

右王爌神道碑，高廣未測，篆額已失。凡三十五行，行八十字。題「賜進士出身中闕提督學校臨海金賁亨撰文，賜進士第資政大夫南京兵部尚書參贊機務前南京刑部尚書都察院掌院事右都御史甥孫趙大佑篆額，賜進士第奉政大夫山東按察司僉事兼防海右兵備道南京工部營繕清吏司郎中在告從孫鈴書丹」。案：碑所記事實甚詳，惟劾武定侯郭勛一事，《明史》本傳載之，而碑反遺，殊不可解。碑後半已泐，年月不可考，約在隆慶時。《黃巖新志》著錄。《志》稱爌墓在南鄉冠

明通議大夫刑部右侍郎東瀛王公神道碑

右王啓神道碑，高四尺七寸，廣二尺九寸。額篆書「刑部右侍郎東瀛王公神道碑」十二字，分四行，字徑二寸五分。碑二十一行，行連擡頭六十一字，正書，徑五寸。題「賜進士第奉政大夫山東按察司僉事在告進階一級同宗晚生王鈐篆額」，末署「通議大夫禮部左侍郎前詹事府詹事兼翰林院侍講學士同修國史經筵講官同邑黃綰拜撰」，無書丹人名及年月。據《明史·黃綰傳》：「嘉靖十二年拜禮部左侍郎，尋以母憂歸，十八年起爲禮部尚書。」《儒林錄》言「綰於嘉靖十四年丁憂」，今是碑結銜稱禮部左侍郎，是當在丁憂以前。王啓卒於嘉靖十三年十一月，文蓋作於是年或次年也。惟王鈐所撰《東瀛神道碑》題「萬曆二年」，而此碑書法同一筆致，或文成於嘉靖時，至萬曆初始上石耶！本在黃巖柏山墓前，今存雅林王氏宗祠。《黃巖新志》失訪。

明通議大夫刑部右侍郎東瀛王公追贈祭葬神道碑

右碑高五尺一寸，廣二尺九寸。額篆書「御賜東瀛王公祭葬碑」九字，分三行，字徑三寸。碑二十一行，行連擡頭五六字。題「賜進士第資政大夫刑部尚書前南京都察院右都御史太平方厓趙大佑篆額」，末署「萬曆二年孟秋，賜進士第奉政大夫山東按察司兵備海右僉事前南京工部營繕司郎中奉勅提督長江蘆洲在告進階一級鄉晚生同宗王鈐拜撰」，無書丹人名氏。文稱「王公既沒踰三十年，天子俞諍臣吳時來之請，詔復其官，追賜祭葬。鈐忝鄉後進，執役墓所，既竣，載筆於其墓前之石」云云。餘與黃綰所撰《神道碑》事蹟多同。《舊府志·王啓傳》：「隆慶初，褒恤舊臣，復錫祭葬。」案：啓以嘉靖十三年卒，至隆慶初，故有三十餘年。而碑署萬曆二年，是追贈後

數年始立也。舊在柏山墓前，今存雅林王氏宗祠。《黃巖新志》失訪。

明誥封夫人趙氏墓表

右秦鳴雷妻趙氏墓表，高九尺，廣四尺。額篆書「明誥封夫人趙氏墓表」九字，平列，字徑四寸。碑正書二十七行，行七十五字，字徑一寸。在臨海縣東鄉大道地寥園。題「賜進士光祿大夫柱國少傅兼太子太傅禮部尚書武英殿大學士制誥會典總裁餘姚呂本撰，賜同進士出身資政大夫南京工部尚書前兵部尚書兼都察院右都御史奉勅巡撫雲南贊理軍務新昌呂若洵書丹，賜進士及第資政大夫南京吏部尚書兼翰林院學士國史副總裁經筵日講官新昌潘晟篆」，無年月。案：文稱以萬曆丁丑十二月葬，碑當立於是時。

袁應祺遊嵩巖詩刻

右詩刻高廣未測，序四行，行二十字。五律二首，六行，行二十一字。題一行「遊嵩巖詩二首」六字。年月及題名二行，曰「萬曆五年丁丑秋仲月，賜進士第文林郎知黃巖縣事廣陵袁應祺文穀甫題」。凡十三行，在黃巖西鄉嵩巖寺。《黃巖新志》著錄。案：袁應祺，揚州興化人，詳《名宦錄》。

天台縣南改溪碑記

右碑高八尺二寸，廣四尺三寸。額篆書「天台縣南改溪碑記」八字，平列，字徑六寸。碑正書二十五行，行六十一字，字徑一寸一分。諸生題名四行，字徑四分。在天台縣學宮。《記》稱「南溪注北，形類反弓，嚙城址而衝黌舍，風氣不完，緣是人文衰墜。萬曆丁丑邑侯崇安岳如厚築隄

障塞，俾水從故道，庠士立碑以頌其功」云云。蓋亦惑於形家言者。末署「萬曆六年歲在戊寅冬十二月，賜進士出身資善大夫南京刑部尚書前工部左侍郎侍經筵兩京都察院右副都御史奉勅巡撫福建提督操江臨海何寬撰，賜進士及第資善大夫南京禮部尚書前吏部左侍郎兼翰林院學士掌詹事府事兩京國子祭酒春坊太子左諭德會典國史纂修官臨海秦鳴雷書，賜進士出身通議大夫刑部左侍郎兼都察院右僉都御史前奉勅總督漕運督軍務巡撫鳳揚等處臨海王宗沐篆。」案：何寬、秦鳴雷、王宗沐三人，俱詳《人物傳》。

臨海王氏祠堂記

右碑高八尺三寸，廣三尺五寸。額篆書「臨海王氏祠堂碑記」八字，字徑四寸二分，分四行。碑行書二十八行，行連擡頭五十字，字徑一寸二分。在府城西墅王氏祠堂。蓋王宗沐移其母佐葬金三百以建先祠。更建義倉峙粟，以薦疏屬之不給，建塾延師，以誨子弟之貧不能學者，而命門人張位爲之記。位字明成，新建人，《明史》有傳。是碑結銜題「賜進士出身南京國子監司業前翰林院侍讀纂修兩朝實錄國史經筵日講官」，無篆額書丹人名氏，末署「萬曆六年，十四代孫宗沐立石」。

普福寺鐘款

右鐘在黃巖縣東鄉埠頭堂，高厚圍徑未測。上截有文六行，凡四十五字，似偈。下截捨錢人題名五行，募鑄人題名及年月四行，凡一百八字。曰「黃巖東南埠頭普福禪院復興沙門明寂、徒弟真表等募建，大明萬曆庚辰五月吉旦立」。《黃巖新志》著錄。

聖水寺重鑄鐘銘

粵惟聖水，蕪穢勿治。豺狼荆棘，曰叢以肆。斬新日月，特地乾坤。伊誰之力，性海沙門。聞思修人，爰虛爾中。寂爾形，永爾聲，以覺昏冥。

恒安山主人乙洞葉涵撰。

一洞內室陳氏偕厥嗣葉宋、婦邱氏、冢孫世恒捨銅十六斤。遺安二斤，四洞應美二斤。信海祖居太平南鑑，俗姓高氏，垂髫學於聖水，僅三載而歸，數夢爲僧於此山。嘉靖壬子倭寇跳梁，民勿寧居，始避茲寺，剃髮事禪，延訪高宿，共究無生，以遂宿願。于時殿宇圯頽，鐘廢於倭，維新之念，屢勤不憚，勛不充，蚤夜劬勞，率衆修理。泥大殿，置山門、鐘樓、兩廊。禪堂化局，講演法華，報四恩，資三有，同登淨土云。萬曆九年正月吉日住持信海記。

賜進士第知黃巖事廣陵袁應祺捐俸助。

右鐘在黃巖聖水寺，高四尺四寸，厚一寸一分，上圍八尺，口圍一丈，徑三尺二寸半，禿頂，螳脚，龍紐。銘文五行，行十二字，惟末行二字。又撰人名氏一行，記十一行，年月一行，凡三百六十七字。又番字三十七，捐田姓氏尤多，惟袁令二行字樣稍大。《黃巖新志》著錄。

明故進賢縣典史贈資政大夫南京吏部尚書北江何公神道碑銘

右何從良神道碑，高一丈一尺八寸，廣三尺七寸五分。額篆書「贈南京吏部尚書何公神道碑」十二字，字徑四寸。碑正書二十三行，行七十三字，字徑一寸二分。在臨海縣東蔡嶺。題「賜進士及第特進光祿大夫柱國少師兼太子太師吏部尚書建極殿大學士知制誥知經筵事國史總裁

致仕華亭徐階撰文，賜進士出身資善大夫南京工部尚書前工部左右侍郎奉敕提督軍務巡撫江西等處地方都察院右副都御史姑蘇楊成篆，賜進士出身承德郎禮部祠祭清吏司主事邑人陳錫書」。案：從良，臨海人，何寵、何寬之父。其卒在嘉靖丙寅，而碑立於萬曆壬午，距卒十有七年矣。徐階，《明史》有傳。陳錫，臨海人，詳《人物傳》。

邑侯毘陵王公德政碑

右碑太平士民爲其縣令王國賓所立也。高四尺五寸，廣三尺許。額篆書「邑侯王公德政碑」七字，橫列。文十三行，行四十三字，字徑八分。題及年月各一行，題名三行。在太平袁公祠。撰人銜名二行，題「萬曆十年壬午孟夏，賜進士及第資政大夫南京禮部尚書前吏部左侍郎兼翰林院學士掌詹事府事兩京國子祭酒春坊太子左諭德總校大典國史館纂修官臨海秦鳴雷撰」，無篆額書丹人名氏。案：國賓，武進人，《舊志》無傳，今據是碑補入《名宦錄》。

南峰書院鼎

右鼎在黃巖縣寧溪南峰書院，有文十七，橫勒鼎腹，曰「大明萬曆十年季冬立春日，九代孫還宗立」。《黃巖新志》著錄。

明故處士東軒陳君墓誌銘

右誌銘在黃巖下保象鼻山，高廣未測，篆蓋已佚，文亦多漶滅，行數字數不可計，撰書名氏列年月後。題「上缺大夫福建按察司僉事顧榮撰，上缺河東鹽運副使同邑余尚則書并篆額，萬曆□□年歲□□□□月吉日立」。《誌》稱「處士諱則忱，字順充，曾大父諱龍孫，大父諱啓，父諱榮。」又